

671.3443
028
12

光州志

光州志卷之二

光州直隸州知州楊修田總纂

〔典祀志〕

壇廟

州社稷壇在北城北門外雍正十年知州高士鑰奉文遵式重修

先農壇在北城西門外教場右壇宇三間東西配房二間門樓一間雍正四年知州高鎮奉文遵式重修

關帝廟在喻家巷三代祠在廟後雍正十一年奉文

知州高士鑰建修

文昌宮在儒學東南

奎星閣在龍門上

風雲雷雨山川城隍壇在南城南門外雍正十年知州高士鑰奉文遵式重修

城隍廟在州治西明嘉靖間知州熊偉重修

厲壇在北關外

火神廟在城隍廟東間壁

龍神廟在大寺西

五龍宮在北城外東北二里許

八蜡祠

劉猛將軍廟並係乾隆三年奉文建修知州顧心錯詳請
設立北城北關外後移城內州治西

旗纛祀在西關外演武廳

馬神廟在州治東偏

眞武廟在北關外

觀音閣在南城水月觀南雍正元年知州劉學禮建

文昌閣在南城小南門東正應巽方年久傾圯乾隆八年

知州章琦募修

節孝祠在學宮外東雍正三年知州高鏌奉文建

陳公祠在儒學前祀州人陳公元光唐高宗時爲行軍總

管鎮守漳州陣歿宋孝宗時封爲靈應廣濟王祠年久坍塌乾隆九年知州高鑒重修有祭田七畝在南里九甲行糧

倉神廟在倉內

獄神廟在獄內

土地廟卽蕭曹祠在州治大門內東偏

東嶽廟在南城東門外每年三月二十八日祭

藥王廟在南城康濟門外一里許每年四月二十八日祭

金龍四大王廟在南城康濟門外

三義觀在南城水月觀西康熙四十年徽晉眾商公建

三皇廟在南城小南門內

三官像在南城東門樓上

玉皇像在南城大南門上

岳王廟在北城西門月城上

黃忠烈祠明崇正十六年勅予專祠因寇亂未及修建附
立水月觀閣西

邱公祠在普惠寺西咸豐九年奉 旨建立專祠

眞君廟在南城雍正二年江西商人建祀晉旌陽令許遜
嘗誅蛟除民害南昌鐵柱觀尙有遺跡

府君廟在州北四十里祀唐潞陽令崔珏通考云歿而爲

神主幽冥事者也

壇廟祭文附

社稷壇

每歲春秋仲月上戊日出主於壇而祭之

祝文 惟

神奠安九土粒食萬邦分五色以表封圻育三農而蕃

稼穡恭承守土肅展明禋時屆仲

春

敬修祀典庶九

丸松柏聳磐石於無疆翼翼黍苗佐神倉於不匱尙

饗

先農壇

每歲仲春亥日巳時祭午時行耕藉禮

祝文 惟

神肇興稼穡粒我蒸民頌思文之德克配彼天念率育之功陳常時夏茲當東作咸服西疇洪惟

九五之尊歲舉三推之典恭膺守土敢忘民勞謹奉彛章
聿修祀事惟願五風十雨嘉祥恒沐於神庥庶幾九
穗雙岐上瑞頻書於大有尙 饗

行耕藉禮

一官捧青箱一官播種各官俱用右手扶犁左手執
鞭各行九推禮農夫終畝耕畢各回官廳更朝衣望

闕恭行三跪九叩頭禮

武廟

每歲春秋仲月及五月十三日致祭

春秋祝文 惟

神星日英靈乾坤正氣允文允武紹聖學於千秋至大
至剛顯神威於六合仰聲靈之赫濯崇典禮於馨香
茲當仲春用昭時饗惟祈昭格克鑒精虔尙 饗

五月十三日祝文 惟

神九宇承庥兩儀合撰崧生嶽降溯誕 聖之昌期日
午天中屆恢台之令序聰明正直壹者也千秋徵臍

蠻之隆盛德大業至矣哉六幕肅馨香之薦爰循懋
典式展明禋苾芬時陳精誠 鑒格尙 饗

春秋祭後殿祝文 維

王世澤覃庥令儀格後靈鍾河嶽篤生神武之英誠溯
淵源宜切尊崇之報班爵超躬桓而上升香肅俎豆
之陳茲當仲春秋爰修祀事尙祈 昭鑒式此苾芬

五月十三日祝文 維

王迪德承家累仁昌後崧生嶽降識毓聖之有基本本
水源宜推恩之及遠封爵特超於五等馨香永薦於
千秋際仲夏之屆時命禮官而將事唯祈

昭格鑒此精虔尙 饗

文昌廟

每歲春秋仲月及二月初三日致祭

春秋祝文 雜

神道闡苞符性敦孝友並行並育德侔天地以同流乃
聖乃神教炳日星而大顯仰鑒觀之有赫示明德之
惟馨茲當仲春秋用昭時享惟祈 歆格克鑒精虔

二月初三日祝文 雜

神功參橐籥撰合乾坤溯誕降之靈辰三台紀瑞度中
和之令節九宇承暉若日月之有光明闡大文於孝

友如天地無不覆載感至治於馨香爰舉上儀敬陳
芳薦精禋罔斁 神鑒式臨尙 饗

春秋祭後殿祝文

教詒式穀垂抑邪扶正之規禮重升馨著崇德報功
之典載稽譜牒祇肅苾芬 維

文昌帝君學裕本源道參位育緬馨香之至治久極尊崇
申報享之隆文宜昭誠敬聿升中祀式舉上儀於戲
德迪前光十七世仁恩普洽慶餘積善億萬年文運
長新敬布明禋尙祈 昭鑒尙 饗

二月初三日祝文 維

文昌帝君道備中和神超亭毒稟貽謀而允紹欽毓聖之
有基雲漢昭回際嶽降崧生之會馨香感格興木本
水源之思式肇明禋用光彛典尙祈

神鑒享此清芬尙 饗

奎樓

每歲春秋仲月致祭

祝文 惟

神七星冠首六合承輝德耀青陽祐人才之奮起祥開
紫電煥文運之光昌天象照臨士林忭慶敬修禋祀
肅展微忱尙 饗

風雲雷雨山川城隍壇

每歲春秋仲月合祭

風雲雷雨居中

山川居左

城隍居右

祝文 惟

神贊襄天澤福祐蒼黎佐靈化以流形生成永賴乘氣
機而鼓盪溫肅攸宜磅礴高深長保安貞之士憑依
鞏固實資捍禦之功幸民俗之殷盈仰神明之庇護
恭修歲祀正值良辰敬潔豆籩祇陳牲幣尙 饗

州城隍廟

每逢朔望行香五月二十八日祭

厲壇

每歲清明日七月望日十月朔日請

城隍之神出主其祭榜無祀鬼神分祭之

祝文致祭於

城隍尊神暨闔境無祀孤魂之前曰幽冥異路守土維均
人鬼殊名冀恩則一 惟

神聰明正直鑒察無私悽愴焄蒿垂憐有素爰遵典制
聿舉明禋謹設壇於城北仰主祭於

尊神茲屆

清明
中元
冬朔

之節謹備牲醴肅具羹飯統四境之幽

魂率羣靈而受享望壇墠以如歸鑒馨香而來格尙

饗

八蜡祠

每年祭期由 部定知照

祭文

於惟尊神實司歲功驅螽歛螭五穀乃豐茲當歲禴
虔其犧牲神其保佑惠此生靈尙 饗

劉猛將軍配

祝文 惟

神上贊帝德下惠生民時和年豐螭蟠不興茲值歲暮
式薦明馨神其昭格庶幾鑒歆尙 饗

旗纛祭文 惟

神旗纛是司三軍所視威揚閩外疆圉是恃霜露既肅
仰答膚功神其有靈歆此菲供尙 饗

龍王廟

祭文 惟

神德洋洋海澤潤蒼生允襄水土之平經流順軌廣濟
泉源之用膏雨及時績奏安瀾占大川之利涉功資
育物欣庶類之蕃昌仰藉